

Tortolì, una barca elètrica pro su CEAS



Su Comunu de Tortolì at comporadu un'imbarcazione elètrica destinada a su Tzentru de Educatzione Ambientale e a sa Sustenibilidade (CEAS).

S'achistu de sa barca tfaghet parte de is interventos prevididos pro sa valorizzazione de is zonas ùmidas e lagunares de su territòriu, comente traballos e realizazione de òperas in sa zona ormègiu, longu su percursu

naturalìsticu e in is fràbicos.

Oe, gràtzias a sa barca, at a èssere possibile a acumpangiare is visitadores dae su situ de sa Pischera Santu Giuanni finas a su Tzentru de Educatzione Ambientale, sena incuinare o istorbare sa fàuna locale.

Cun custu mèdiu nou, su CEAS e sa Cooperativa Piscadores Tortolì afòrtiant sa missione issoro de sensibilizzazione ambientale, dedichende-si a trasmitere valores de sustenibilidade e respetu pro s'ambiente, ispetzialmente a is prus giòvanos.

Su cunsigieri comunale cun dèlega a s'ambiente, Riccardo Falchi, sutaliniat chi s'imbarcazione elètrica rapresentat unu passu importante pro s'amparu e valorizzazione de su patrimoniu naturale nostru, mirende a unu benidore prus birde pro Tortolì e Arbatassa.

Su Tzentru de Educatzione Ambientale est abertu a su pùblicu cada cenarba dae is 9:00 a is 11:00. Prenota sa bìsita tua e iscoberi de prus subra de custu importante progetu!

(Pro Informatziones: <https://www.sardegnaifeas.it/.../ceas-tortoli-comunu-de.../>)